

四庫全書

集部

欽定四庫全書

宋詩鈔卷六十八

內閣中書舍人吳之振編

陸游劍南詩鈔

五

連陰欲雪排悶

先生經旬甑生塵藜羹不污自甑中魯連敢謂天下士

摩詰要是山中人

王維自稱  
山中人

溪從灘瘦愈刻厲山自木

落增嶙峋雲重惟愁雪欲作梅花忽報一枝春

晚歲幽興

殘年欲遂迫期頤追數朋儔死已遲卜塚治棺輸我快

染鬚種齒笑人癡

近聞有人以補種墮齒為業者

野梅墮地草生後街

柳拂鞍冰泮時滿眼雲山不須買剝傾新釀賦新詩

對食戲作

霜餘蔬甲淡中甜春近靈苗嫩不斂采掇歸來便堪煮

半銖鹽酪不須添

春前臘後物華催時伴兒曹把酒盃蒸餅猶能十字裂

餽餽那得五般來

甲子立春前二日作

頭風初愈喜身輕  
書卷時開覺眼明  
養熟犬雞隨坐起  
性靈烏鵲報陰晴  
韭菰飮餽春盤好  
芝朮蕝和臘藥成  
自笑衰殘殺風景  
燈時不擬入重城

鄰曲

濁酒聚鄰曲偶來非宿期  
拭盤堆連展

淮人以洗  
名麥餌

洗脯煮黎和

蜀人以  
名豆腐

烏牯將新犢青桑長嫩枝  
豐年多樂事相勸且伸眉

初春書懷

數掩蘆藩竝水居一家全似業樵漁  
春寒例謝常來客老病猶貪未見書  
馴雀正緣拋食慣芳蘭肯為碍門鉏  
藥苗滿鉢無人共賴有溪僧為破除

甫及春初日已長偶同鄰曲集山房  
囊盛古墨靴紋皺箬護新茶帶勝方  
老境不嫌來冉冉流年直恐去堂堂  
清泉冷浸疎梅蕊共領人間第一香

愚公不解幾安危行盡人間惡路岐  
難似車登蛇退嶺

險如舟過馬當祠平生憂患常難測送老安閒敢自期  
一事不成應有命惟將知止報明時

送子虞吳門之行

相送何由挿羽翰淡煙微雨暗江干孤懷最怯新春別  
病骨難禁昨夜寒尊酒汝寧嫌魯薄金羹翁自絮吳酸  
此詩字字俱愁絕忍淚成篇却怕看

幽居春晚

雲歸禹穴賞新晴酒買蘭亭散宿醒竹帶鞭移俄盛出

鶴全窠買已長鳴故山雖媿收身晚外物元如脫髮輕  
只恐村隣成間濶杖藜隨處叩柴荆

老廢讐書病廢詩書閒惟與睡相宜未尋內史流觴地  
又近龐公上塚時花發遊蜂喧院落筍長馴鹿入藩籬  
石蛇山下春如許野老來招不用辭

山行贈野叟

垂白衰翁住道邊突間猶喜續炊煙壁如龜筮難占卜  
瓦似魚鱗不接連幼學及時兒識字官租先衆吏無權

與君俱長宣和日握手相看一悵然

莫笑孤村生理微  
茆茨煙火自相依  
客來旋埽青苔榻  
日在先闔白板扉  
婦女憂蠶租葉去  
兒童耘麥荷鉏歸  
散人世襲江湖號  
剝欲溪頭借釣磯

六言雜興

失馬詎知非福亡羊不妨補牢  
病裏正須周易醉中却要離騷

舉足加劉公腹引手捋孫郎鬚  
士氣日趨委靡賴有二



卷六十八  
君埽除

廣平作梅花賦少陵無海棠詩正自一時偶爾俗人平地生疑

題旅舍壁

地廣風號木天高日脫雲村名步頭換縣界驛前分蒿艾春侵路雞豚莫識羣敲門就炊爨一飯敢忘君

春晚雨中作

冉冉流年不貸人東園青杏又嘗新方書無藥醫治老

風雨何心斷送春樂事久歸孤枕夢酒痕空伴素衣塵  
畏途回首濤瀾惡賴有雲山著此身

枕上

病叟少安枕驚禽無穩棲慵占賈誼鵬空感祖生雞野  
勢風號北窗痕月過西元非破賊手只合架牛犂

山中  
惟泉

鳴終夜雞三鳴後  
聞架犂則旦矣

夏日

入戶桐陰漸覆牀乍敷笛簟北窗涼筇枝倚壁知身健

衣焙殘香覺日長雨霽斷雲時聚散風來纖草久低昂  
蝶衣粉濕猶飛懶小駐闌干就夕陽

久雨

梅天一日幾陰晴對酒無聊醉不成巧厯莫能知雨點  
孤桐那解寫溪聲林深鳥爵來無數草茂鉏耰去即生  
明日雲開天萬里御風吾欲過青城

復雨

催喚兒童埽綠苔長歌清嘯興悠哉林間子墮知梅熟

水面痕生驗雨來往事已成孤枕夢故人誰共一尊開  
自憐未負年華在素扇團團月樣裁

門屋納涼

機裂齊紈如素月牀敷蕲簟起微瀾行人遠不分眉目  
過鳥高猶響羽翰新長庭槐夾門綠無窮陂稻際天寬  
今年項里楊梅熟火齊驪珠已滿盤

午睡

梅黃雨足喜初晴投枕華胥夢已成帳底香雲凝未散

手中書卷墮無聲，  
簾紋似水飛蠅避。  
鼻息如雷稚子驚，  
癡腹便便竟何有。  
已將嘲弄付諸生。

游昭牛圖

游昭木石師，李唐畫牛乃自其所長。  
出欄竊聽一聲笛，意氣已無千頃荒。  
客居京口老益困，衣不揜脰鬚眉蒼。  
時時弄筆眼力健，蹠角毛骨分毫芒。  
我無沙堤金絡馬，拂拭此幅喜欲狂。  
乞骸幸蒙優詔許，置身忽在煙林傍。  
日落飲牛水滿塘，夜半飯牛天雨霜。  
俚醫灌藥美水草。

老巫訶禁祓不祥願我孫子勤農桑願汝生犢筋脈強  
確聲驚破五更夢歲負玉粒輸官倉

出近村歸偶作

朝騎小蹇出煙村擁路爭看八十身似我猶為一好漢  
問君曾見幾閒人楊梅線紫開園晚萁菜絲長入市新  
莫笑堅頑推不倒天教日日享常珍

書事

聞道輿圖次第還黃河依舊抱潼關會當小駐平戎帳

饒益南亭看華山

饒益寺南亭盡得泰華之盛

關中父老望王師想見壺漿滿路時寂寞西溪衰草裏

斷碑猶有少陵詩

華州西溪郡老杜所謂隣縣亭子者

鴨綠桑乾盡漢天傳烽自合過初連功名在子何殊我

惟恨無人快着鞭

九天清蹕響春雷百萬貔貅扈駕回不獨雨師先灑道

汴流滾滾入淮來

新涼示子通時子通將有臨安之行

竹簟紗厨事已非，秋清初換熟縑衣。  
鵲驚山月栖還起，螢避溪風墮又飛。  
老眼漸昏書嬾讀，壯心雖在事多違。  
夜窗剝欲挑燈語，日倚柴門望汝歸。

八月四日夜夢中作

太華巉巉敷水長，白驢依舊繫斜陽。  
山深乳洞藥爐冷，花發雲房醅瓮香。  
隣叟一樽迎谷口，蠻童三髻拜溪傍。  
中原俯仰成今古，物外自閒人自忙。

明日復理夢中意作



白盡髭髯兩頰紅  
頽然自以放名翁  
客從謝事歸時散  
詩到無人愛處工  
高挂蒲帆上黃鶴  
獨吹銅笛過垂虹  
閒人浪跡由來事  
那計猿驚蕙帳空

又明日復作長句自規

大學淵源不易窮  
古人立志自童蒙  
醉猶溫克方成德  
夢亦齋莊始見功  
痛哭孰能悲陷溺  
力行猶足變雕蟲  
太空雲翳終當散  
吾道常如日正中

村居遣興

追數交朋略散亡  
臂孱足蹇固其常  
一年又見秋風至  
孤夢潛隨夜漏長  
不辨誦經如倚相  
頗能噉飯勝張蒼  
回看薄宦成何味  
只借朝衫作戲場

萬里征途興已闌  
三間破屋住猶寬  
山薑著雨房重斂  
南燭先霜實半丹  
野市秋陰更蕭瑟  
書生老瘦轉酸寒  
掩關也有消愁處  
一卷騷經醉後看

甲子秋八月偶思出遊往往累日不能歸或遠至  
傍縣凡得絕句十有二首雜錄入橐中亦不復

詮次也 錄三首

早攜書劍三隨計  
晚辱弓旌四造朝  
心媿石帆山下叟  
一生不識浙江潮

著囊藥笈每隨身  
問病求占日日新  
向道不能渠豈信  
隨宜醉答免違人

藥麤野老偏稱効  
詩淺山僧妄謂工  
懷甃裏茶來問訊  
不妨一笑寂寥中

遣舟迎子通因寄古風十四韻

今日圻汝書一讀眼為明知汝即日歸明當遣舟迎想  
汝片帆東翩若飛鴻征薄莫過梅市咿謳雙櫓聲到家  
亦尚早城樓初發更草草一尊酒為汝手自傾夜分不  
能寐頓忘衰病嬰豈惟病良已白頭黑絲生暫別亦不  
惡益重父子情自今日相守北窗同短檠六經焰久伏  
百氏方縱橫世俗擯孤學未易口舌爭此責在學者草  
萊勿自輕汝壯父未死相勉在力行

飯後偶題

環堵蕭然百慮忘天教得飯飫枯腸長橋鮓美桃花嫩  
北苑茶新帶胯方漠漠寒花欹晚照翩翩孤蝶弄秋光  
解衣捫腹西窗下賴有新詩破日長

感昔

行年三十憶南遊穩駕滄溟萬斛舟常記早秋雷雨霽  
舵師指點說琉球

馬瘦行遲自一奇溪山佳處看無遺酒壚強挽人同醉  
散去何曾識是誰

負琴腰劍成三友出蜀歸吳歷百城最是客途愁絕處  
巫山廟下聽猿聲

岳陽三伏正炎蒸夾氣淒風見未曾白浪蹴天樓欲動  
當時恨不到黃陵

送子坦赴鹽官縣市征

父子團欒笑語諱豈知雲散各天涯長亭結束秋將晚  
別酒淒涼日易斜我坐髦年艱就養汝非仰祿肯離家  
遊山尚有平生意試為閒尋一鹿車

臘中欲作一小肩  
輿輕快結實兩夫

可舉者以  
備山行

寄子坦

目斷西陵細靄中  
津亭想汝繫孤蓬  
頗憂昨莫雲吞日  
俗以黑雲接落日為風雨之候  
猶幸今朝雨壓風  
就食亦知難戀戀  
挂帆終恨太怱怱  
寒沙不是無來雁  
頻寄書歸問老翁

書感

老荷寬恩許退耕  
絲毫無報亦何情  
民貧樂歲尚艱食  
道喪異端方肆行  
黨禍本從名輩出  
弊端常向盛時生

古人骨冷青松下誰起英魂與細評

遣興

兔徑遊觀足蝸廬卧起寬垂名千古易無媿寸心難燈  
火娛清夜風霜變早寒一經家世事吾興未應闌

農舍

三農雖隙亦匆忙稼事何曾一夕忘欲曬胡麻愁屢雨  
未收蕎麥怯新霜

神農之學未為非日夜勤勞備歲飢雨畏禾頭蒸耳出



潤憂麥粒化蛾飛

萬錢近縣買黃犢襪行當東作時堪笑江東王謝輩  
唾壺塵尾事兒嬉

杜門雖與世相違未許人嘲作計非長綆雲邊牽犢過  
小舟月下載犁歸

出遊

一樽隨處可開顏此事深疑造物慳地可登臨多恨遠  
身常強健又須閒山圍小市煙初斂霜著橫林葉半殷

徙倚闌干君勿厭日斜猶及棹舟還

漁村酒市本無期小蹇扁舟信所之  
丹葉滿林霜落後  
紫萍黏塊水枯時  
山林閒寂歸雖早  
齒髮衰殘病已遲  
努力及時謀自適  
錦囊多貯莫秋詩

山有籃輿步有舟放翁身健得閒遊  
牛羊點點日將夕  
蒲柳蕭蕭天正秋  
細徑僧歸雲外寺  
疎燈人語酒家樓  
歸途更愛湖橋月  
獨倚闌干為小留

風雨夜坐

寒風淒緊雨空濛  
舍北新丹數葉楓  
欹枕舊遊來眼底  
掩書餘味在胸中  
松明對影談玄客  
篠火圍爐采藥翁  
君看龜堂新境界  
固應難與俗人同

舟中曉賦

木落霜清水鳥呼  
扁舟夜泊古城隅  
吹殘畫角春初動  
低盡寒空斗欲無  
浪迹已同鷗境界  
遠遊方羨雁程途  
高檣健席從今始  
遍歷三湘與五湖

漁家

江上漁家水蘸扉閒雲片片傷苔磯釣收鷺下虛舟立  
橋斷僧尋別徑歸海近岡巒多迤邐天寒霧雨正霏微  
羊裘老作桐江叟點檢初心幸未違

感昔

神女祠前猿夜鳴相公溪上草初生重遊惟有西窗夢  
一點燈青夢不成

白帝城邊鶯亂啼憶騎瘦馬踏春泥老來感舊多悽愴  
孤夢時時到瀼西

小益晨裝雨作泥  
南沮涉水馬長嘶  
山腰細棧移新路  
驛壁流塵閣舊題

曾從征西十萬師  
白頭回顧只成悲  
雲深駱谷傳烽處  
雪密嶓山校獵時

少時失脚利名間  
寸步何曾不險難  
造物恐人渾忘却  
夢中憂患尚如山

客懷

客懷病思兩悽悽  
瘦馬長鞭濺雪泥  
道左忽逢曾宿驛

壁間閒看舊留題  
村醅酸薄陳山果  
旅飯蕭條嚼凍齏  
何處人間非夢境  
恍然重到劍關西

雜書幽居事

抱瓮窮園叟還山  
老布衣死邊常得  
活閑處偶容歸釣  
恐魚吞餌棋憂客  
墮機此心君會否  
洗盡百年非  
庭曠多延月  
齋空半貯雲  
松聲行路共  
泉脈近隣分  
采藥久蒸曬  
朝真三沐熏  
林間有叢杞  
繞屋夜狺狺

探梅

歲月相尋豈有窮早梅喚醒醉眠翁坐中酒量人人別  
花底春風處處同白帝城邊微雪過青衣江上夕陽紅  
錦囊空復殘詩在分付悲歡一夢中

社飲

東作初占嗣歲宜蠶官又近乞靈時傾家釀酒無遺力  
倒社迎神盡及期先醉後醒驚老憊路長足蹇歎歸遲  
西村漸過新塘近宿鳥歸飛已滿枝

自近村歸

雪晴村路尚殘泥茅屋清寒正要低  
野渡船虛飛鳥集  
煙村路近蹇驢嘶堅頑那復愁空索  
老健猶能伴架犂  
蹴榻不僵君會否更須百瓮享黃齋

除夜

野水楓林屋數椽寒爐無火坐無氊  
殘燈耿耿愁孤影  
小雪霏霏送舊年椒酒辟瘟傾潑  
灑藍袍俘鬼舞跚跚  
從今供養惟春薺莫羨愚公日萬錢

自開歲陰雨連日未止



江雲漠漠雨昏昏歸老山陰學灌園十里羊腸僅通路  
三家鐫腳自成村應時膊飢聊從俗耐久鍾馗儼在門  
近縣傳聞頗多盜呼兒挿棘補頽垣

俗有年膊飢之語  
予貧甚今歲遂不

能易  
鍾馗

枯菊

翠羽金錢夢已闌空餘殘蘂抱枝乾紛紛輕薄隨流水  
莫與桃花一樣看

春雨

倚闌正是受斜陽細雨霏霏渡野塘本為柳枝畱淺色  
却教梅蕊洗幽香小露蝶粉初何惜暫澀鶯聲亦未妨  
造物無心寧徧物憑誰閒與問東皇

艸堂

幸有湖邊舊艸堂敢煩地主築林塘

辛幼安每欲為築舍予辭之遂止

漉殘醅瓮葛巾濕挿遍野梅紗帽香風緊病身那可敵  
春閒晝漏不勝長浩歌陌上君無怪世譜推原自楚狂

陸氏舊譜云

本出接輿後

賞花

湖上花光何處尋  
朱朱白白自成林  
衰年何預傷春事  
閒客猶懷愛物心  
欲墮每愁風驟起  
正開却要日微陰  
蘭亭禹廟平生事  
一榼芳醪莫厭深

小雨

小雨明復閣餘寒去  
又來新苔緣砌上  
殘杏過籬開垂  
老身餘幾逢春心  
尚孩江天近寒食  
林外過輕雷

莫春

辛夷海棠俱作塵  
紫魚蓴菜亦嘗新  
一聲布穀便無說  
紅藥雖開不屬春

春晚小飲

病卧書齋一味慵  
今年春事又成空  
籜龍奮迅風雷際  
木筆凋零霧雨中  
平野草深黃犢健  
斷溪水長畫船通  
小兒偶得官樓酒  
鱸膾鮓乾一醉同

初夏幽居雜賦

曲曲羊腸徑疎疎  
麕眼籬渴蜂窺硯  
水狂蝶入書帷一

枕輕安夢數聯蕭散詩餘生已過足不必到期頤  
關地剪蓬蒿何曾憚作勞藥名尋本草蘭族驗離騷北  
澗穿籬過南山出屋高回頭看富貴何啻一秋毫

雨

家近蓬萊白玉京草堂東望不勝清初驚野色昏昏至  
已見波紋細細生殘醉頓消迎亂點微吟漸苦入寒聲  
只愁今夕虛簷滴又對青燈夢不成

龜堂初暑

淪漪一曲遶茆堂  
葛帳紗巾喜日長  
多事林鳩管晴雨  
依人海燕度炎涼  
深枝著子纍纍熟  
幽草開花冉冉香  
安得此時江海上  
與君袖手看人忙

初夏閒步村落間

薄雲韜日不成晴  
野水通池漸欲平  
綠葉忽低知鳥立  
青萍微動覺魚行  
醉遊放蕩初何適  
睡起逍遙未易名  
忽遇湖邊隱君子  
相携一笑慰餘生

夜興

鬢毛飽受雪霜侵一褐蕭條寄故林  
簷雨滴回羈枕夢城笳喚起塞垣心  
平生恥露囊中穎垂老甘同爨下琴  
燈燼欲殘看瘦影不妨袖手坐惜惜

秋近

石榴萱草併成空又見牆陰覓葉紅  
茶醲頗妨千里夢簾涼初怯五更風  
新瓜落刃冰盤裏晚燕添巢畫閣中  
身健流年供可樂故人自欠一尊同

秋懷

園丁倚架摘黃瓜  
村女沿籬采碧花  
城市尚餘三伏熱  
秋光先到野人家

迢迢枕上望明河  
帳薄簾疎奈冷何  
不惜衣篝重換火  
却緣微潤得香多

詩如水淡功差進  
身似雲孤累轉輕  
落葉擁籬門巷晚  
一枝藤杖且閒行

示子適

翁老兒窮不自支  
此心幸與古人期  
勞兼薪水奴初去



典到琴書事可知藥杵無聲工忍病米困可埽恥言飢  
餘年有幾須相守萬里煙霄付異時

小雨

赤日炎熇勢未回川雲忽起亦佳哉鴨衝細雨橋陰出  
蝶弄微風草際來檉柳不禁朝暮久芙渠猶有二三開  
一年光景煩君看何怪昆池有劫灰

貧甚戲作絕句

處窮上策更誰如日晏猶眠為腹虛

飢則臥不起尚闕  
貧者之常也

鄰僧分供米敢煩地主送園蔬

貸米東村待不回鉢盂過午未曾開飢腸雷動尋常事  
但誤生臺兩鵲來

北窗孤坐破三更庭戶無人有月明數種袴襦秋未贖  
羨他鄰巷搗衣聲

糴米歸遲午未炊家人竊閤乃翁飢不知弄筆東窗下  
正和淵明乞食詩

秋夕

浴罷紗巾出草堂一枝瘦杖倚桄榔  
蟬吟古柳聲相續月入幽扉影正方  
頻約僧棋秋漸健稍增書課夜初長  
亦知桑落宜葡萄酒太息何時辦一觴

病中戲詠

八十行加二清秋住故山新涼足  
眠睡舊疾害躋攀雪白紛殘鬢  
梳黃染病顏疲牛臥斜日羸馬  
噉枯菅貧廢兒孫學慈生僕妾  
頑贖衣時已迫貸米歲方難  
鉢僧嘲薄盤殮客笑慳從今謝還往  
惟有掩柴關

秋光

小圃秋光潑眼來，老人憑几興悠哉。  
翩翩蝴蝶成雙過，兩兩蜀葵相背開。  
雨足疎籬引荒蔓，人稀幽徑長新苔。  
貧家竈冷炊煙晚，待得鄰翁賣藥回。

秋夜思南鄭軍中

五丈原頭刁斗聲，秋風又到亞夫營。  
管如埋劍常思出，今作閒雲不計程。  
盛事何由觀北伐，後人誰可繼西平。  
眼昏不禁陳編得，挑盡殘燈不宵明。

幽興

蘭渚前頭湖水清了無俗事  
敗幽情雨淋茅屋隨時補  
日射油窗特地明  
庭樹晚鶯窺戶語  
鄰園秋筍過籬生  
芥菰漸美鹽醢足  
誰共貧家一釜羹

法雪僧房

八十衰翁有底忙  
水邊山際亦張張  
清溪橋斷舟橫岸  
小塢梅殘雨漬香  
數點青燈經野市  
一爐軟火宿僧房  
自嫌尚有人間意  
却為春寒怯夜長

對酒

密篠持苫屋寒蘆用織簾  
竄肩柴熟罨

東坡煮猪肉訣云淨洗鍋少著

水柴頭罨煙焰不起

蓴菜鼓初添黃甲如盤大紅丁似蜜甜街頭

桑葉落相喚指青帘

雨夜起行室中

老疾逢秋體自輕披衣暫起繞牀行  
隙風不斷燈將滅  
簷雨如傾階欲平  
鰥叟何嘗愁枕冷  
病夫未免待窗明  
拂書洗硯龜堂上  
幽事誰知日有程

閏月辛酉壬戌連日風雨癸亥早晴

殘雨在簷猶點滴斷雲銜日正蒼涼清愁偏向暮年覺  
少睡不禁秋夜長簾影漸生禽語樂杵聲初動藥麝香  
諸兒作吏俱安否那得乘風至汝傍

予諸子伯叔  
季皆出仕

偶與客話峽中舊遊

我昔旅遊秋雨細建平城東門欲閉主人迎勞語蟬聯  
小婦春炊縞衣袂長年三老半醉醒蜀估峽商工算計  
須臾燈闇人欲眠泊船卸馱猶相繼山溪水嶮近蠻獠

往往居民雜推髻即今屈指四十年懷抱淒涼真隔世  
客中作

江天雨霽秋光老野氣穿雲淨如掃投空飛鳥雜落葉  
極目斜陽襯衰草平沙爭渡人鵠立長亭下馬障泥濕  
纍纍紅果絡青篾未霜先摘猶酸澀客中雖云貪路程  
買薪糴米常留行茆簷獨坐待童僕不聞人聲聞磴聲  
遊近村

行歷茶岡到藥園却從釣瀨入樵村半衰半健意蕭散



不雨不晴天晏溫  
著簾傷籬寒引蔓  
菖蒲絡石瘦生根  
參差燈火茅簷晚  
童稚相呼正候門

客從城中來

客從城中來相視慘不悅  
引杯撫長劍慨歎敵未滅  
我亦為悲憤共論到明發  
向來酣鬪時人情願少歇  
及今數十秋復謂須歲月  
諸將爾何心安坐望旄節

村興

結宇楓林下久窮吾所安  
村深事自簡累少食差寬  
雨

閤牛眠屋泥深鴨滿闌呼兒擣粉餌準擬賽鄱官

秋晚書懷

頽然兀兀復騰騰萬事惟除死未曾無奈喜歡閒弄水  
不勝頑健遠尋僧喚船野岸橫斜渡問路雲山曲折登  
却笑吾兒多事在夜分未滅讀書燈

夢中作

繫馬朱橋上酒樓樓前數水拍堤流春風又作無情計  
滿路楊花輓雪球

大慶橋頭春雨晴行人馬上聽鶯聲祥符西祀曾迎駕  
惆悵無人說太平

初冬絕句

鱸肥菰脆調羹美麴熟油新作餅香自古達人輕富貴  
例緣鄉味憶還鄉

道途冬暝衣裘省村落年豐鼓吹喧下麥種麴無曠土  
壓桑接果有新園

即事

雲起山容改潮生浦面寬寒鴉先雁到烏桕後楓丹年  
邁狐裝帽時新豆搗糲非闕嗜溫飽更事耐悲歡  
遯居無外事白日不勝長詩為窮差進琴雖老未忘映  
窗精試墨閉閣苦畱香年少無相誚功名事更狂

題詹仲信所藏米元暉雲山小幅

俗韻凡情一點無開元以上立規模鏡湖老監空揮淚

想見楚江清曉圖

徽宗見元暉楚江清曉圖大加賞歎

一棹朝南暮北風奇峰倒影綠波中定知漸近三山路

卷六十八  
認得漁翁是放翁

雜興

此身漂蕩等流槎  
又向江村送歲華  
急雨遇寒凝作雪  
明燈無炮結成花  
座懸鏡古森毛髮  
甌聚茶香爽齒牙  
況是貧家多樂事  
阿開漸學手吒叉

稽山行

稽山何巍巍  
浙江水湯湯  
千里亘大野  
勾踐之所荒  
春雨桑柘綠  
秋風秔稻香  
村村作蟹棹  
處處起魚梁  
陂放

萬頭鴨園覆千畦薑春碓聲如雷私債逾官倉禹廟爭  
奉牲蘭亭共流觴空巷看競渡倒社觀戲場項里楊梅  
熟采摘日夜忙翠籃滿山路不數荔枝筐星馳入侯家  
那惜黃金償湘湖蓴菜出賣者環三鄉何以共烹煮鱸  
魚三尺長芳鮮初上市羊酪何足當鏡湖瀉衆水自漢  
無旱蝗重樓與曲檻潏潏浮湖光舟行以當車小繖遮  
新粧淺坊小陌間深夜理絲簧我老述此詩妄繼古樂  
章恨無季札聽大國風決決

病後作

骨相坐一寒仕宦經百謫晚入文昌省又坐煩言嘖詔  
書復收召付以大典冊期年甫奏篇皇恐亟自劾歸來  
稽山下三食新穫麥草屨布帑襦徒步老阡陌今年疾  
屢作恍若將歸客道士言犯土拜章安舍宅巫言神去  
幹剪紙招魂魄把臂忽自悟此豈屋漏脉盡去囊中藥  
默觀鼻端白正氣徐自還鬼子何足磔

道院雜興

征途暗盡舊貂裘歸臥林間喜自由體倦尚憑書引睡  
心安不假酒攻愁丹爐弄火經年熟竹院聽琴竟日留  
今旦理鬚還一笑白間時有黑絲抽

早歲知聞久已空端然猶有灞城翁東樓誰記傾春碧  
叙州蓋古戎州也有東樓厨醕  
本名重碧范至能易為春碧北嶺空思壁晚紅北嶺  
在福

州予少時與友人朱景參會嶺  
下僧舍時秋晚荔子獨晚紅在冉冉流年霜鬢外累累

荒塚綠蕪中琳房何日金丹熟老鶴猶堪萬里風

山村經行因施藥



間行偶復到山村父老遮留共一樽曩日見公孫未晡  
如今已解牧雞豚

逆旅人家近野橋偶因秣蹇暫逍遙村翁不解讀本草  
爭就先生辨藥苗

歎老

身歷遭回事萬端天教林下養衰殘文編似是他人作  
書卷如曾隔世觀久已悠悠置恩怨况能一一記悲歡  
牀頭周易真良藥不是書生強自寬

戲遣老懷

平生碌碌本無奇，況是年垂九十時。  
阿囷略如郎罷老，穉孫能伴太翁嬉。  
花前騎竹強名馬，階下埋盆便作池。  
一笑不妨閒過日，歎衰憂死却成癡。

舊襲家風號散人，晚承恩詔賜閒身。  
放狂泥酒都忘老，厚價收書不似貧。  
霜曉方驚羣木脫，春晴又喜一花新。  
先生偶出人難遇，陌上爭先看角巾。

新晴

夜雨空階滴到明山雲忽斂作新晴門前月淡有簷影  
牆外泥乾無屐聲與世日疎愁易遣入春得暝疾差平  
便當剽作滄洲趣寄語沙鷗勿敗盟

新歲

改歲鍾馗在依然舊綠襦老庖供餽飪跣婢暝屠蘇載  
糗送窮鬼扶箕迎紫姑兒童欺老瞶明燭聚呼盧

新歷歎

新歷在手心怕開日月連翩相續來黃金散盡自一快

白髮不貸真可哀無為健羨廣成子千二百歲終有死  
膠不可黏西去日刀何由翦東流水酒無醇醕但痛飲  
市醞上尊俱醉耳堂堂七尺死即休不飽烏鳶飽螻蛄

東籬

漫道深居晝掩關東籬栽接不曾閒每因清夢遊敷水  
自覺前身隱華山花發時時攜綠酒客來往往羨朱顏  
藥爐安著猶無地擬展茅茨一兩間

東偏隙地作疎籬遇興無非一笑時陪客投壺新罰酒

與兒鬪草又輸詩山桃溪杏栽俱活藥鏡魚竿動自隨  
家事猶令罷關白固應黠陟不曾知

村夜

入春雨雪無休日雨止猶陰未快晴萬竅怒號風不定  
半輪斜照月微明百年辛苦農桑業五處睽離父子情  
但得平安已為幸孤燈殘火過三更

時子虞調官行在  
子龍阻風西陵子

修在閩子坦在海昌  
子與子布子通守舍

夢中作

世事何由可控搏故山歸臥有餘歡澗泉見底藥根瘦  
石室生雲丹竈寒人遠忽聞清轍起山閒頻得異書看  
一朝出赴安期約萬里煙霄駕紫鸞

新晴

寂寂房櫬鳥雀聲薰籠茶竈正施行繁花滿樹春纔半  
斜日穿雲雨乍晴引睡書橫猶在架圍棋客散但空枰  
病懷莫道傷幽獨小榼芳醪手自傾

挂冠湖上遂吾初捫腹消搖適有餘羹煮野蔬元足味

屋茨生草亦安居市廬分熟通賒酒鄰舍情深許借驢  
更喜新晴滿窗日籤題重整一牀書



宋詩鈔卷六十八

欽定四庫全書

集部  
宋詩鈔卷  
六十九  
七十

詳校官中書臣賈鏊

主事銜臣徐以坤覆勘

總校官編修臣王燕緒

校對官中書臣劉源溥

謄錄監生臣鄭家屏



欽定四庫全書

宋詩鈔卷六十九

內閣中書舍人吳之振編

陸游劔南詩鈔

春日雜賦

羈懷病思正厭厭詩卷漁草信手拈老境何嘗忘一笑  
春風也解到窮閭殘花滿地無餘萼新筍掀泥已露尖  
轉老轉窮君勿笑熊蟠魚腹豈容兼

鬢毛八九已成霜此際逢春只自傷苦雨不容花抵敵  
餘寒猶賴酒禁當退紅衣焙薰香冷古錦詩囊覓句忙  
堪笑散人間事業西窗容易又斜陽

唐樂府云牀上小  
窗籠韶州新退紅

江湖放浪水雲人藥物枝梧夢幻身移竹南窗初試筍  
埽花北陌旋成塵窮忙自笑常終日老健猶能不負春  
未遂初心惟一事乞薪賒米慳吾鄰

乞得身歸剡曲邊衡門茆舍共蕭然向來誤計守書冊  
此日遺愁無酒錢俗客妬閒來袞袞流年欺老去翩翩

梨花楊柳清明過且向江頭剗放顛

白日蠻童佩一壺壺乾時亦復村酤橫林露塲遠猶見  
莫靄籠山淡欲無綠浦例憑菰作界畫橈常遣鷺前驅  
此身元是滄浪客敢學高人乞鏡湖

春晚

村巷泥深晝掩門倚闌搔首一消魂花經風雨人方惜  
士在江湖道更尊擘浪忽看魚對躍入雲時見鶴孤鶩  
向來莘渭今安在歎息誰能起九原

雜感

早仕讒銷骨遲歸悔噬臍短衣猶掩脛窮巷固多泥婢  
喜蚕三幼鄉中謂蚕眠為幼奴貪雨一犁衡茆明我眼刮膜謝

金匱春晚晴還雨杯深醉復醒溪添半篙綠山可一窗  
青藥品隨長鏡花名記小屏閒身幸無事吟嘯送餘齡

雜題

半飽半飢窮境界知晴知雨病形骸軒昂似鶴那求料  
枯槁如僧不赴齋

大兒都門久栖栖  
小兒調官今復西  
鄰家父子我所羨  
泥水沒膝扶畊犁

出遊歸鞍上口占

渺渺煙波飛檠去  
迢迢野徑策驢還  
寄懷楚水吳山外  
得意唐詩晉帖間  
每惜好春如我老  
誰能長日伴人間  
世間自是無兼得  
勛業元非造物慳

雨

曉望橫斜映水亭  
莫看飄灑溼簾旌  
不嫌平野蒼茫色

實厭空階點滴聲上策莫如常熟睡少安毋躁會當晴  
且將穡事傳童稚未插秧時正好耕

初夏閒居

雲液初篳小簷香風漪乍展北窗涼巢乾燕乳蟲供哺  
花過蜂閒蜜滿房閉戶不知春已去鈔書但覺日方長  
所嗟詩思年來減虛負奚奴古錦囊

川雲漠漠雨冥冥濁酒閒傾不滿瓶  
蚕簇尚寒憂繭薄  
稻陂初滿喜秧青  
王師護塞方屯甲  
親詔優民已放丁

病起自憐猶健在不須求應少微星

松棚黯黯接虛堂埽地燒香旋置牀密葉留花供淺酌  
斷雲障日作微涼高城薄暮聞吹角小市豐年有戲場  
白首史官閒盡歲祇將搜句畲流光

城上朱旗夏令初溪頭綠水蘸菰蒲花貪結子無遺萼  
燕接飛蟲正哺雛簫鼓賽蚕人盡醉陂塘移稻客相呼  
鄉中謂傭工者為客長安青蓋金羈馬也有農家此樂無

啜茗清風兩腋生西竺雅具愜幽情黨衣過後篝爐冷

展卷終時嬾架橫巢燕何曾擇貧富鳴鳩元不為陰晴  
但能與物俱無著小草新詩取次成

野水楓林久寄家慣將枯淡作生涯小樓有月聽吹笛  
深院無風看磴茶靜岸葛巾穿薈蔚閒拖筇杖入谿畬  
平居每與兒孫說切勿人前一語誇

水邊茆屋兩三間野叟幽人日往還兩卷硬黃書老子  
數峰破墨畫廬山功名會上元須福生死津頭正要頑  
試說龜堂得力處向來何啻半生閒



煮酒青梅次第嘗  
啼鸚乳燕占年光  
蠶收戶戶縑絲白  
麥熟村村搗麝香  
民有袴襦知歲樂  
亭無桴鼓喜時康  
未嘗一事橫胸次  
但曲吾肱夢自長

子通調官得永平  
錢監待次甚速寄詩寬其意蓋  
將與之偕行也

黃紙起家陞仕籍  
青衫遡闕拜恩光  
署衙汝勿憎銅臭  
就養吾方喜飯香  
世事極知多倚伏  
人生正要小回翔  
但令父子常相守  
斂版扶犁味總長

梅市

沙際人家半掩扉，借炊小住不相違。  
水生溪面大魚躍，風定草頭雙蝶飛。  
竹院遊僧聞鼓集，煙畦老圃荷鋤歸。  
浩然物外真堪樂，回首浮生萬事非。

初夏幽居

日長巷陌曬絲香，雨霽郊原割麥忙。  
小擔過門嘗冷粉，微風解箨看新篁。  
傍籬鄰婦收魚筍，叩戶村醫送藥方。  
欲到湖邊還嬾動，悠然扶杖立斜陽。

虛堂一幅接羅巾竹樹森疎夏令新  
瓶竭重招麴道士  
牀空新聘竹夫人  
寒龜不食猶能壽  
弊帚何施亦自珍  
枕簟北窗寧有厭  
小山終日對嶙峋

野草幽花無歇時  
一窗終日對東籬  
病猶獨醉雖堪笑  
老未全衰亦自奇  
古紙硬黃臨晉帖  
矮牋勻碧錄唐詩  
箇中疑是忘憂處  
問著山翁却不知

東園梅熟杏初丹  
老子披襟每不冠  
古硯坡陀麝煤綠  
小山蔥蒨石盆寒  
移牀剝欲眠松塢  
鼓枻還思泊蓼灘

未用絲毫辨差等黃塵終勝客長安

泛舟至近村茅徐兩舍勞以尊酒

小舸悠颺亦樂哉迢迢故取北村回山從樹外參差出  
水自城陰曲折來樂歲共忘東作苦殘租不待急符催  
舊鄰父老睽離久喚取開顏把一盃

林間書意

三三兩兩市船回水際柴門尚未開垂綠筍梢風正惡  
弄黃梅子雨初來紅螺盃小傾花露紫玉池深貯麝煤

領取林間閒富貴向來誤計伴鄒枚

地僻

地僻臨湍瀨門幽長綠苔客書疑誤達僧刺媿虛來清  
露蘋花圻斜陽燕子回自憐猶有恨佳日對空壘

夏末野興

半世天涯倦遠遊還鄉不減旅人愁數聲相應鳩呼雨  
一片初飛葉報秋山塢風煙僧院落河梁燈火酒家樓  
絕知雪鬢宜蓑笠分付貂蟬與黑頭

漠漠川雲闔復開  
天公試手挽秋回  
參差小市林邊出  
縹緲疎鐘雨外來  
土塢飯香供晚餉  
布帘字大賣新醅  
歸舟自逐輕鷗去  
不用城笳抵死催

劇暑

六月暑方劇  
喘汗不支持  
逃之顧無術  
惟望樹影移  
或謂常讀書  
或勸把酒卮  
或誇作字好  
蕭然却炎曦  
或欲溪上釣  
或思竹間棋  
亦有出下策  
買簟傾家貲  
赤脚蹋層冰  
此計又絕癡  
我獨謂不然  
願子少置思  
方今詔書

下淮汴方出師黃旗立轅門羽檄晝夜馳大將先擐甲  
三軍隨指揮行伍未盡食大將不言飢渴不先飲水驟  
不先告疲吾儕獨安居茂林蔭茆茨脫巾濯寒泉臥起  
從其私于此尚畏熱鬼神其可欺坐客皆謂然索紙遂  
成詩便覺窗几間颯颯清風吹

縱遊深山隨所遇記之

行穿犖确度谿畧路跨清溪一木斜歷盡巖危到平地  
壞垣欹屋兩三家

山徑欹危細棧通孤村小店夕陽紅竹郎有廟臨江際  
木客無家住菁中

道逢山客東荆薪口眼睚眦略似人試問村名瞠不語  
割然長嘯上嶙峋

古寺蕭蕭不見僧飛甍滿屋老梟鳴空房終夜無燈火  
斷木支門睡到明

池上

旋移吟榻竝池橫欲出柴門復嬾行樹罅忽知月上



竹梢微動覺風生  
貧無醉日惟堅忍  
疾遇涼秋亦漸平  
二尺燈檠元好在  
便思相伴聽蛩聲

秋後一日風雨

炎歊數日劇蕩滌  
及秋初病葉風吹盡  
鳴蟬雨打疎趺  
涼謀社酒乘潤理園蔬  
分喜寧無處蒲中鱖魚

秋思

詩人本自易悲傷  
何況身更憂患場  
烏鵲成橋秋又到  
梧桐滴雨夜初涼  
江南江北堠雙雙  
燈暗燈明更短長

安得平生會心侶一尊相屬送年光

小病兩日而愈

病骨羸然山澤臞故應行路笑形模記書身大似椰子  
忍事癭生如瓠壺美酒得錢猶可致高人折簡孰能呼  
不如淨埽茅魚地卧看微香起瓦爐

龜堂一隅開窗設榻為小憩之地

枳櫺簷蔔障斜陽旋置臨階八尺牀小展窗扉無大費  
略加苫蓋有餘涼老來愈覺歲時速夢裏不知途路長

試問神遊向何處月明揮榜上瀟湘

秋懷

客思殘荷外農功晚稻前祭多巫得職稅足吏無權  
浦淑家家釣村墟點點煙歸舟葛衣薄始覺是秋天

曩得治中俸湖山偶卜居身嘗著禾譜兒解讀農書遇  
事絕欣厭接人均戚疎乾坤雖浩浩等付一蘆廬

秋暑雖猶在晨興氣已清蠻童埽荒徑獠婢滌空鑪病  
樹有凋葉殘蟬無壯聲書生守故態已復理燈檠

病臥

老境偏饒卧秋天不肖晴愁憑書解散病仗藥支撐果  
熟烏鳥樂村深雞犬聲邊頭定何似頗說募新兵

秋夜獨坐聞里中鼓吹聲

收盡浮雲見素娥青天脉脉映明河時平里巷吹彈闌  
歲熟人家嫁娶多高會不知清夜永散歸想見醉顏酡  
小窗燈火晶熒處也有人賡七月歌

自述

早畏危機避巧丸  
長安未到意先闌  
心如老馬雖知路  
身似鳴蛙不屬官  
閒架柴車無遠近  
旋沽村酒半甜酸  
羣兒何足勞情恕  
胸次從初抵海寬

秋興

囤儲赤米枝梧飯  
篋有青氈準擬寒  
政使堆金無處用  
不須常貯一錢看

白頭韭美醃薺熟  
頰尾魚鮮斫鱸成  
却對盤飧三太息  
老年一飽費經營

懲羹吹齏豈其非亡羊補牢理所宜白頭始訪金丹術  
莫笑龜堂見事遲

放翁老矣欲何之采藥名山更不疑但入剡中行百里  
姓名顔狀有誰知

鼙鼓華鯨響寺廊殘蕪落葉弄秋光蹇驢繫著門前柳  
閒覓題名拂敗牆

小築

小築隨高下園池皆自然鋤山得靈藥斲坎遇寒泉幽

檻花房斂深林果蒂駢鄰翁亦好事相伴送流年

寓興

窮巷無來客秋風獨浩歌壯年間處老佳日病中過甚  
欲攜長鑱仍思擁短蓑逢山皆可隱不必上三峩

行飯至湖上

行飯消搖日有常青鞋又到古祠傷殘蕪滿路無多綠  
落葉投空不待黃只道詩書能發冢豈知博鑿亦亡羊  
此身只合都無事時向湖橋看戲場

秋晚雨中作

新雁南來歲又殘，蕭蕭風雨暗江干。  
客踈似悉爾來病，酒薄不禁如許寒。  
草絡籬頭花尚碧，樹當浦口葉初丹。  
醉來且擁黃紬睡，莫問何時后土乾。

湖村

四十來居湖上村，翩翩七見改初元。  
風梢解籜竹齊母，露葉成陰桐有孫。  
渴鹿出林窺藥井，馴鷗掠水傍茶軒。  
老人不用誇頑健，時看孫曾浴畫盆。



曉寒

悠悠殘夢伴殘更萬木風號曉氣清  
雞唱欲闌聞井汲月痕漸淺覺窗明  
突煙騰碧炊初動衣焙推紅火已生  
小閣翻書裹褐暖早朝霜滑媿公卿

南門散策

結宇溪一曲兩山左右之橫木以為門  
斷竹作短籬本無剝啄客門壯固不施  
甃路壞莫補石罅生棘茨野蔓不知名  
丹實何纍纍村童摘不訶吾亦愛吾兒

十月

紅樹平沙十月天  
放翁今作水中仙  
蓼蓼林外迎神鼓  
隻隻溪頭下釣船  
世事極知吾有命  
俗人終與汝無緣  
菊花枯盡香猶在  
又付東籬一醉眠

記夢

久住人間豈自期  
斷砧殘角助淒悲  
征行忽入夜來夢  
意氣尚如年少時  
絕塞但驚天似水  
流年不記鬢成絲  
此身死去詩猶在  
未必無人麤見知

旅舍

寺鐘吹動四山昏  
繫纜來投江上村  
木落不妨生意足  
水歸猶有漲痕存  
爐紅手暖書差健  
鼎沸湯深酒易溫  
勿為無年憂寇竊  
信信小天護籬門

石堰村

木落山不蔽  
水縮洲自獻  
寒日晚更明  
村巷曲折見  
小婦鳴機杼  
童子陳筆硯  
農家雖苦貧  
終勝異鄉縣  
君看宦遊子  
豈無墳墓戀  
生死在故鄉  
切勿慕稟傳

幽居遣懷

習氣深知要掃除時時褊忿獨何歟  
呼童不應自生火待飯未來還讀書  
世態詎堪閒處看俗人自與我曹疎  
作詩未必能傳後要是幽懷得小摠

貧述

寒生肌粟苦衣單瘦減頭圍覺帽寬  
荒寂在家猶逆旅窮空養老亦蔬餐  
柴青竈突騰煙細膏盡燈缸照字難  
猶喜新醅三斗熟半窗梅影助清歡

自述

勃落為衣隱薜蘿  
掃空塵抱養天和  
過期未死更強健  
與世不諧猶嘯歌  
野市蕭條殘葉滿  
酒家零落廢壚多  
石帆山下孤舟雨  
借問君如此老何

幽事

老大常愁節物催  
東皇又挽斗杓回  
江天慘慘不成雪  
山驛蕭蕭初見梅  
隱士寄雲從地肺  
遊僧問路上天台  
戲書幽事無時闕  
古錦詩囊算算開

山房

擾擾人間歲月移  
山房幾度換茅茨  
身遊與世相忘地  
詩到令人不愛時  
老鶴初來未丹頂  
穉松親種已虬枝  
東塗西抹非無意  
皴面朱鉛太不宜

感舊

雕鞍送客雙流驛  
銀燭看花萬里橋  
三十三年真一夢  
茆簷寒雨夜蕭蕭

禹祠

祠宇嵯峨接寶坊，扁舟又繫畫橋傍。  
鼓添滿筍尊絲紫，蜜漬堆盤粉餌香。  
團扇賣時春漸晚，夾衣換後日初長。  
故人零落今何在，空弔顏垣黑數行。

見事

流光莫恨去聯翩，見事還疑勝昔年。  
細改新詩須枕上，少留劇飲待花前。  
陰陰竹塢安茶竈，淺淺蘋汀著釣船。  
物外家風吾豈敢，散人名號亦充員。

初春幽居

滿榼芳醪手自攜  
陂湖南北埭東西  
茂林處處見松鼠  
幽圃時時聞竹雞  
零落斷雲斜障日  
霏微過雨未成泥  
老民不預人間事  
但喜農疇漸可犁

小築園林淺鑿池  
身閒隨事得遊嬉  
幽花折得露猶溼  
嘉木移來根不知  
小蝶弄晴飛不去  
珍禽喜靜語多時  
風光未忍輕拋擲  
聊付詩囊與酒卮

春遊

梅市移舟過古城  
此行亦未闕逢迎  
負薪野老無妻子



施藥山人隱姓名風雨偏宜宿茅店鹽醢不遣到藜羹  
宣和版籍今誰在似是天教樂太平

羸臥

羸臥將如老景何小園風月且婆娑茶因春困論交密  
酒為家貧作態多馬上元無聽雞句原頭那有飯牛歌  
自憐遠屏猶多事賣藥歸來買釣蓑

幽事

跌宕人間歲月遷賞心幽事故依然潮通支浦漁舟活

露濕繁花醉帽偏才盡賦詩愁壓倒氣衰對奕怯饒先  
光陰風月空如昨悵望蘭亭祓禊年

算春新路至湖上示元敏

時雨作未成蒸溽思出門湖塘直東西行人各歸村翻  
翻鳥投林杳杳鐘鳴昏羊牛爭迳路煙火出短垣吾兒  
望未到誰與共盤飧幽獨多惻愴且復攜斯孫歸來蓬  
窗下聊可與晤言

春陰溪上小軒作

午醉初醒倚釣軒悠然無與共清言風微僅足吹花片  
雨細纔能見水痕杳杳暝鐘浮遠浦離離煙樹識孤村  
故人萬里岷山下安得書來慰斷魂

比遣書問張季長  
消息於都下未報

自九里平水至雲門陶山歷龍瑞禹祠而歸凡四

日

細雨如絲映晚暉店家小憩換征衣春農耕罷負犁去  
村社祭餘懷肉歸黃犢自依殘照卧白鷗爭傷小灘飛  
道邊舊識凋零盡誰記遼天老令威

老子無心老尚狂  
山程隨處寄  
俵俵雲歸岫  
穴初收雨  
水入陂塘正下秧  
野客就林煨燕筍  
蠶家負籠采雞桑  
遠遊萬里知何樂  
却喜東歸住故鄉

老子山行官遽回  
直穿犂确上崔嵬  
未誇腳力如平昔  
且喜眉頭得暫開  
廟後故梁龍化去  
山前遺箭鶴銜來  
囊錢已盡君無笑  
艸艸猶能把一杯

興似雞栖寄兩竿  
山程三月尚春寒  
麥苗吐穗初成實  
梅子生仁已帶酸  
買飯猶勝乞墻客  
看畊偕學勸農官

還家莫道虛懷袖  
筍蕨隨宜亦滿盤

點點桃花糝綠苔  
入門倚杖意悠哉  
數聲茶板齋初散  
一片溪雲雨欲來  
老宿龍鍾嗟獨在  
高松磊砢憶新栽  
世間萬事俱難料  
未死重遊更幾回

春晚即事

桑麻夾道蔽行人  
桃李隨風旋作塵  
煜煜紅燈迎婦擔  
鼕鼕畫鼓祭蠶神

龍骨車鳴水入塘  
雨來猶可望豐穰  
老農愛犢行泥緩

幼婦憂蠶采葉忙

雜詠

鏡中顏狀年年改  
海內交朋日日疎  
一慟寢門生意盡

從今無復季長書

近聞張季長物故

女郎花樹新移種  
官長梅園亦探租  
作盡人間兒戲事

誰知空橐一錢無

鄉人謂楊梅止曰梅官長其高品也

一日日窮窮不醒  
一年年老老如期  
黃河却有逢清日

白髮應無返黑時

早至園中

湖上空濛雨熟梅清晨岸幘一悠哉幽花不恨草埋沒  
密樹豈知禽去來舊為愛茶分水器近緣炊爨得琴材  
小丘僅見山如髻尚媿韓公八尺臺

南堂晨坐

鏡湖清絕似瀟湘晨起焚香坐草堂日暖遊絲垂百尺  
花殘新蜜釀千房綠桑糝箔開蠶食白水翻車浸稻秧  
莫道村翁殺風景也能沽酒畲年光

雨晴

早曠常思雨，沉陰却喜晴。  
放船蓮蕩遠，岸幘竹風清。  
淮浦戎初遜，興州盜甫平。  
為邦要持重，恐復議消兵。

秋晚雜興

昔遇高皇起衆材，姓名曾得廁鄒枚。  
年踰八十猶賒死，却伴鄰翁斲筭魁。

老病侵凌不可當時時攬鏡，自悲傷。  
西風吹散朝來酒，依舊衰顏似葉黃。



冷落秋風把酒杯半酣直欲挽春回今年菰菜嘗新晚  
正與鱸魚一併來

閒遊所至少留得長句

垣屋參差桑竹繁意行漫漫不知村眼明可數遠山疊  
足健直窮流水源鷺引釣船經荻浦牛隨牧笛入柴門  
試尋高處休行李清絕應須入夢魂

太平人物自諧嬉及我青鞋布襪時丁壯趁晴收早粟  
比鄰結伴絡新絲圓輦坎坎迎神社大字翩翩賣酒旗

晤語豈無黃叔度欲尋幽逕過牛醫

夏日雜詠

閒居自無客况復暑如焚百折赴溪水數峰當戶雲幽  
尋窮鹿徑靜釣雜鷗羣舊愛南華語方今踐所聞

南堂雜興

新涼一夜入郊墟晨起衣巾爽有餘燕欲委巢雛盡去

燕有三生雛者及秋雛方去盡

扇猶在手意先疎題詩又滿牛腰束采

藥常攜鴉背鋤湖上從今風月好不妨隨處命籃輿

奔走當年一念差歸休別覺是生涯  
茆簷喚客家常飯

竹院隨僧自在茶

紹興初僧喚客茶各隨意多少謂之自在茶今遂成俗

禪欠偏

參寧得髓詩緣獨學不名家  
如今百事無能解只擬清

秋上釣槎

曉思

昏昏斷夢帶餘醒散髮披衣坐待明  
城角吹殘河漸隱  
海氛消盡日初生  
老農自得當年樂癡子方爭後世名  
莫怪閉門常嬾出即今車蓋為誰傾

秋雨書感

新春赤米摘青蔬一飽從來不願餘  
門外久無溫卷客  
架中寧有熟官書  
濁醪未廢時時歡  
短髮猶須日日梳  
自笑少年風味在  
滿川煙雨正愁予

晨起開門雪滿簷  
東崗一徑得幽尋  
斷雲殘雨歲華晚  
丹實碧花秋意深  
林下已悲身老病  
人間猶與俗浮沉  
牀頭小瓮今朝熟  
又喚鄰翁共淺斟

秋思

桑竹成陰不見門牛羊分路各歸村前山雨過雲無迹  
別浦潮回岸有痕

老子齋居罷擊鮮木盤竹筍每隨緣鄰僧不用分香鉢  
蓮芡猶堪過半年

秋日村舍

川雲慘慘欲成雨宿麥蒼蒼初覆土芋肥一本可專車  
蟹壯兩螯能敵虎村村婚嫁花簇檐廟廟禱祠神降語  
兒孫力稼供賦租千年萬年報明主

秋感

卷六十九

扶杖龍鍾迫耄期江湖木落更堪悲  
醉中光景似得志夢裏朋儕如少時  
落筆龍蛇仲蒙帖芮國器字仲蒙滿懷風  
月季長詩前朝名勝凋零盡百歲關心只自知

聖世優容許乞身歸來猶幸齒齊民  
漁家那有懸車地蔬食何施祝鯁人  
獠婢臨溪漂衣絮蠻童掃葉續炊薪  
生涯如此仍秋莫賴是從來慣處貧

紹興辛未至丙子六年間予年方壯每遇重九多

與一時名士登高於戴山宇泰閣距開禧丁卯  
六十年憂患契濶何所不有追數同遊諸公乃  
無一人在者而予猶強健慘愴不能已賦詩識  
之

故里登高接雋遊即今不計幾番秋一樽尚與菊花醉  
萬事不禁江水流薄命雖多死閭巷逢時亦有至公侯  
若論耄歲朱顏在窮達皆當輸一籌

老健

年垂九十身猶健竹屋荆扉不厭低挈榼自沽深巷酒  
擁衾遙聽別村雞家添豚栅還堪賦路認牛欄每不迷  
惟恨窮秋開霽少晚來小雨又成泥

寓歎

交世非初志謀生又絕疎家貧思辟穀人忌悔知書門  
異回軒巷乘無禿尾驢老頑君勿怪萬事有乘除  
短髮不禁搔紓悲賴濁醪涼收溪瀨急木落寺樓高  
飯餘何欠看雲亦足豪今朝有奇事江浦得霜螯



題僧菴

細路穿雲塢危橋渡野塘人稀土花碧屋老瓦松長憂  
患雙蓬鬢裝資一布囊燒薪藉餘暖今夜有新霜

秋冬之交雜賦

嶺下晨炊黍津頭莫繫船寒潮吞別浦老木慘蒼煙市  
徙新山步耕侵古廟塢間人不蓄幘散髮醉江天  
霧雨林塘晚風霜聚落寒衣冠存簡朴農圃備艱難春  
艸麴供餌蒸炊豆作團此心如古井無地起濤瀾

梅市莫歸

老境惟閑門不與事物接時逢佳山水尚復快登涉山  
程策小蹇水泛搖短楫今茲稅駕地佳事喜稠疊雲生  
濕行滕風細掠醉頰旅羹芼玉糝僧飯敷白氎葑火煨  
芋魁瓦甑炊豆莢經行出幽圃懷抱頗自愜枯籬絡丹  
實深澗堆黃葉白雲橫谷口綠篠穿山脇還家寧迫莫  
取路羞徑捷何當倚蒲龕一坐十小劫

霜夜

月淡霜清夜漏遲疎鐘杳杳度南陂燈殘有恨欲誰語  
雞老無聲如我哀使入蜀川方在道書傳淮浦定何時  
若為可遣閒愁得獨擁寒爐爇豆萁

時方附蜀中便舟  
寄書張季長家又

未得古壽  
書每闕懷

### 醉歌

不癡不聾不作翁平生與世馬牛風無才無德癡頑老  
爾來對客惟稱好相風使帆第一籌隨風倒施更何憂  
亦不求作佛亦不願封侯亦不須脫裘去換酒亦不須

賣劍來買牛甲第從渠廢梁肉貂裘本自出兜鍪  
陰陽豈不好纔得閒管晴雨如鵲鳩辛苦築壘拂雲祠  
不如吟嘯風月登高樓爾作楚舞吾齊謳身安意適死  
即休

雪意

風吼江郊雪意濃雲如兩陣決雌雄山寒酒過平時量  
窗黑書虧半日功閒話更端茶竈熟清詩分韻地爐紅  
不須遽覓華胥路更俟天花落坐中

晚晴出行近村閒詠景物

雪雲吹盡木陰移正是先生曳杖時  
老特行將新長犢空桑臥出寄生枝  
醫翁莫過囊探藥筮叟晨占手布著  
誰謂人間足憂患未妨古俗自熙熙

郊行

山色埽石黛江流漲麴塵春晴不終日  
老病動經旬竹密有啼鳥村深多醉人  
東阡與南陌處處寄閒身

開歲屢作雨不成正月二十六日夜乃得雨明日

行家圃有賦

東風催雨破天悭行圃歸來剝解顏百草吹香蝴蝶鬧  
一溪漲綠鷺鷥閒老來每歎論心少貧甚方知覓酒難  
猶賴籃輿無恙在呼兒結束入南山

園中晚飯示兒子

一飽何心慕萬鍾小園父子自相從蚍蜉布陣雨將作  
蛺蝶成團春已濃澗底束薪供晚爨街頭糴米續晨舂  
盤餐莫恨無兼味自繞荒畦摘芥菘

書況

自從請老鏡湖濱萬事不關林下人  
鴉去鴉歸還過日  
花開花落又經春  
官微也過千重浪  
身在依然一幅巾  
晨突有煙吾事了  
濁醪不復惱比鄰

魯墟舟中作

春浦南來元不到  
畫橈偶復入鷗羣  
人間遠火林間見  
船底微波枕上聞  
山口正街初出月  
渡頭未散欲歸雲  
錦囊詩草新寥落  
得句猶堪寄一欣

恩封渭南伯唐詩人趙嘏為渭南尉當時謂之趙渭南後來將以予為陸渭南乎戲作長句

老向人間久倦遊君恩乞與渭川秋虛名定作陳驚坐  
好句真慙趙倚樓棧豆十年霜病馬煙波萬里著浮鷗  
就封他日輕裘去應過三峰處處留

幽居

宿志在人外清心遊物初猶輕天上福那習世間書  
菜挑供餅槐芽采作羹朝晡兩摩腹未可笑幽居



海棠歌

我初入蜀鬢未霜南充樊亭看海棠當時已謂目未睹  
豈知更有碧雞坊碧雞海棠天下絕枝枝似染猩猩血  
蜀姬豔粧肯讓人花前頓覺無顏色扁舟東下八千里  
桃李真成僕奴爾若使海棠根可移楊州芍藥應羞死  
風雨春殘杜鵑哭夜夜寒衾夢還蜀何從乞得不死方  
更看千年未為足

湖上

綸巾羽扇影翩翩湖上徜徉莫計年桃李已忘疇昔分  
禽魚猶結後來緣山前虛市初多筍江外人家不禁煙  
莫恨幽情無與共一雙白鷺導吾前

初夏書感

春與人俱老花隨夢已空遊蜂黏落蕊輕燕接飛蟲  
桑悴知蠶起牲肥賽麥豐為農當自力相戒勿匆匆

初夏喜事

箕頰元非爭奪場瀟湘自古水雲鄉采茶歌裏春光老

煮繭香中夏景長  
斂版早知遊宦惡  
署門晚晤世情常  
茹芝却粒雖無術  
散髮猶當效楚狂

閒遊

好事湖邊賣酒家  
杖頭錢盡慣曾賒  
壚邊爛醉眠經日  
開過紅薇一架花

初夏雜興

終日頽然蠹簡中  
門前煙水浩無窮  
百年等是一枯塚  
四海應無兩放翁  
栗玉長枝桃苦筍  
胭脂小把剪防風

地偏日永閒無事擬著珍蔬譜一通

書興

占得溪山卜數椽飽經世故氣猶全入門明月真堪友  
滿榻清風不用錢便死也勝千百輩少留更過二三年  
湖橋有酒能來醉一棹何妨作水仙

池亭夏晝

造物寧非念老生池亭幽事悉施行羣魚聚散忽無迹  
孤蝶去來如有情小磴落茶紛雪片寒泉得火作松聲

曲肱假寐脩然寤不為敲門夢不成

即事

放翁老去未忘情鏡裏森然白髮生一片常愁見花落  
三聲最怕聽猿鳴年年雙隻路傍堠夜夜短長城上更  
晚晤一條差似可孤燈漁火看潮平

野性

野性從來與世疏俗塵自不到吾廬醉中往往得新句  
夢裏時時見異書穉子那偷服藥酒家僮尚護放生魚

今朝更有欣然處引得清泉灌晚蔬

讀史

王侯到底是虛名何物能為我重輕  
徒步出關胡不可向來常笑棄繻生

自古功名亦偶諧胸中要使浩無涯  
可憐赫赫丹陽尹數顆欖榔尚繫懷

病戒

憂身如憂國畏病如畏亂此身雖幸健  
敢作無事看禍

福在呼吸恐懼兼寢飯人所忽不省我思嘗熟爛夜臥  
不安席晨起寧待旦雖云親藥石得失每參半人情喜  
一快往往觸剝悍收功寧使遲覆敗不可玩

小築

小築竝湖隄茅茨不厭低引泉澆藥圃斫竹樹雞棲夕  
靄山常淡秋蕪路欲迷平生草玄手老去學鉏犁

欲雨

徙穴中庭蟻爭巢後圃鳩物情猶慮患人事得忘憂

荷鍾決新渠  
芟茅補舊廬  
共知秋必雨  
有備即安居

出遊算歸

東行西行日算歸  
川雲漠漠雨霏霏  
蝗餘場上禾收薄  
酒貴街頭客醉稀  
買犢躬耕空自力  
灼龜占歲又成非  
穉孫索飯殊關抱  
憐汝何時得瓠肥

仲秋書事

秋風社散日平西  
餘胙殘壺手自提  
賜食敢思烹細項  
家庖仍禁擘團臍

昔為儀曹郎兼領膳部每蒙賜食與王公畧等食品中有羊細項甚珍予



近以惡殺  
不食蟹

書生習氣盡驅除  
酒興詩情亦已無  
底怪今朝親筆硯  
村鄉來請辟蝗符

農家

大布縫袍穩乾薪起火紅  
薄材施畎畝樸學教兒童  
羊要高為棧雞當細織籠  
農家自堪樂不是做王公  
盜息無排甲兵消不取丁  
頻過鬪雞舍閒學相牛經  
江浦漁歌遠人家績火青  
遨遊無定處隨意宿丘亭

東舍女乘龍西家婦夢熊翁誇酒重碧孫愛果初紅栗  
烈三冬近團樂一笑同營生無繆巧百事仰天公

租犢耕蕎地呼船取荻薪蒼頭供井臼赤脚解縫紉僧  
乞銘師塏巫邀賽土神心常厭多事謝病又經旬

新作地爐成蓬窗亦自明油香麴餌脆人靜布機鳴縣  
吏催科簡豪家督債輕小康何敢望生計且支撐

諸孫晚下學髻脫繞園行互笑藏釣拙爭言鬪草羸  
嚴責程課翁愛哺飴飴富貴寧期汝它年且力耕

晚秋出門戲作

病叟徜徉古澤邊  
橫林搖落暮秋天  
鳴鳩雨後却呼婦  
飛雀霜前先著綿  
抱被每投僧榻宿  
卷書時當酒家錢  
秋風想像芝房熟  
北望商山一悵然

閒愁那到野人邊  
萬事元知合付天  
盡醉僅能三盃酒  
新寒未辦一銖綿  
鄰僧每欲分齋鉢  
廟史猶來索社錢  
無地置錫真細事  
不妨胸次日超然

示子通

我初學詩日但欲工藻繪中年始少悟漸若窺宏大怪  
奇亦間出如石漱湍瀨數仞李杜牆常恨欠領會元白  
纔倚門溫李真市鄮正令筆扛鼎亦未造三昧詩為六  
藝一豈用資狡獪

晉人謂戲為狡獪今閩語尚爾

汝果欲學詩工夫在

詩外

聞新雁有感

才本無多老更疎功名已負此心初  
鏡湖夜半聞新雁  
自起吹燈讀漢書

新雁南來片影孤  
冷雲深處宿菰蒲  
不知湘水巴陵路  
曾記漁陽上谷無

小園獨酌

橫林搖落弄微丹  
深巷蕭條作小寒  
秋氣已高殊可喜  
老懷多感自無歡  
鹿初離母斑猶淺  
橘乍經霜味尚酸  
小酌一卮幽興足  
豈須落佩與頽冠

覽鏡

鏡中老翁誰非復  
少年我誦書如布  
穀拈出無一可又

非富貴逼棄去自不果無功博一飽有臯當萬坐老境  
最堪笑作計日益左正似鳩拙巢不及蠶自裹霜寒衣  
未贖瑟縮附殘火作詩數十年所得良瑣瑣弱松困蔓  
纏何日見磊砢洞庭可遠遊秋風思揆施

獨坐

博山香霧散徘徊袖手何妨靜掩扉六十年前故人盡

紹興中住還明舊  
今乃無一人在

八千里外寄書稀

自張季長下世  
蜀中書問幾絕昨

朝送客桐江去今日逢僧剡縣歸欲作小詩還復嬾海

鷗與我兩忘機

初冬雜詠

重陽已過二十日殘菊纔存三四枝對酒插花君勿笑  
從來不解入時宜

古壽書來言得壻東陽人到報生孫一家三處俱強健  
且撥閒愁近酒尊

微風蹴水靴紋浪薄日烘雲卵色天但恨世間閒客少  
江湖底處欠漁船

老去胸中百事真同遊無復白頭新鵲從熟後頻分食  
鹿漸馴來不避人

小江

出郭四十里孟冬天尚和風生帆力健木落月明多小  
市人聲散長橋炬火過吾生幾來往撫枕獨悲歌

短歌行

富貴得意如登天自計一跌理不全晝食忘味夜費眠  
渠過一日如一年春蠶得衣畊得食農功初成各休息



賣酒壚邊紛鼓笛我過一年如一日二者求兼勢安可  
與我周旋寧作我春城桃李豈不妍雪澗未妨松磊砢  
人生禍福難遽論廟犧烏得為孤豚君不見獵徒父子  
牽黃犬歲歲秋風上蔡門

冬日排悶

地爐微火伴寒灰垂野江雲暝不開欲睡手中書自墮  
半酣窗外雪初來渡頭照影聞征雁籬角吹香得早梅  
佛粥春盤俱不遠離離斗柄欲東回

湖山尋梅

鏡湖渺渺煙波白，不與人間通地脉。  
騎龍古仙絕火食，慣住空山齧冰雪。  
東皇高之置度外，正似人中巢許輩。  
萬木僵死我獨存，本來長生非返魂。

小雪湖上尋梅時，短帽亂插皆繁枝。  
路人看者竊相語，此老胸中常有詩。  
歸來青燈耿窗扉，心鏡忽入造化機。  
墨池水淺筆鋒燥，笑拂吳箋作飛草。

讀唐人愁詩戲作

少時喚愁作底物老境方知世有愁忘盡世間愁故在  
和身忘却始應休

清愁自是詩中料向使無愁可得詩不屬僧窗孤宿夜  
即還山驛旅遊時

書歎

尺椽不改結茅初薄粥猶難卒歲儲  
獨子解迎門外客  
狸奴知護案間書  
深林間數新添筍  
小沼時觀舊放魚  
自笑從來徒步慣  
歸休枉道是懸車

晚步湖隄

絕裘桐帽野人裝  
又上湖隄步夕陽  
貧甚不為明日計  
興來猶作少年狂  
殘樽倒酒無餘歷  
幽圃尋梅認暗香  
時有行人歎頑健  
黑絲點破領間霜

春日雜興

小甌有米可續炊  
紙薦竹馬看兒嬉  
但得官清吏不橫  
即是村中歌舞時

出仕常騎秃尾驢  
歸休自駕折轅車  
今朝偶遇村夫子

借得齊民一卷書

更事多來見物情  
世間常恨太忙生  
花開款款寧為晚  
日出遲遲却是晴

四十餘年學養生  
誰知所得亦平平  
體孱不犯寒時出  
路濕常尋乾處行

攪睡禽聲曉  
倚簷泥人花氣午  
穿簾惟情老  
去年年薄困  
思春來日日添

莫春龜堂即事

風日初和晝漏長  
蕭然巾屨集茆堂  
雨餘千疊莫山綠  
花落一溪春水香  
斷簡積中塵委積  
故人墓上草荒涼  
爾來幸有寬懷處  
病退牀頭減藥囊

日月無根去若馳  
故園又見落花時  
盃中綠酒不肯飲  
鏡裏蒼顏應自知  
千丈新堤湖水滿  
五更殘漏角聲悲  
莫年父子難乖隔  
淮浦書來苦覺遲

殘年

殘年光景易駸屏  
迹江村不厭深  
新麥熟時蠶上簇

晚鷄啼處柳成陰  
短檠已負觀書眼  
孤劒空懷許國心  
惟有雲山差可樂  
杖藜誰與伴幽尋

閒詠

蕭蕭華髮映烏巾  
五十年前故史臣  
正使老來無老伴  
未妨閒處作閒人  
按行池水知增耗  
點檢庭花見故新  
更有菴中策勛事  
投牀鼻息聒比鄰

事業無聞負聖時  
滄波自照角巾欹  
養成林下無窮嬾  
占盡人間徹底癡  
小麥繞村苗鬱鬱  
柔桑滿陌椹累累

醫翁筴叟真堪友搜索殘尊與共持

初夏

新綠陰中燕子飛數家烟火自相依  
童誇犢健浮溪過婦閨蠶飢負葉歸  
地煖小畦花豕長泥融幽徑藥苗肥  
郊居樂事何勝數一醉旗亭又典衣

山房

柴門不掩俗人稀成就山房一段奇  
木葉最宜新雨後鳥聲更勝莫春時  
家貧屢罄綠觥酒宿習猶存為愛詩



別有一條差自慰木苗芎茁正離離

窗下戲詠

飛來山鳥語惺惚却是幽人半睡中新竹成陰無彈射  
不妨同向北窗風

三尺清池鏡面平剪刀葉底戲魚行吾曹安得如渠樂  
傷渚跳波過此生

何處輕黃雙小蝶翩翩與我共徘徊綠陰芳草佳風月  
不是花時也解來

病中雜咏

身是人間一老樵城南烟水寄迢迢尋人偶到金家陵  
取米時經杜浦橋小市孤村雞喔喔斷山幽谷雨蕭蕭  
吾曹自養無能爾楚客應無隱可招

身似頭陀不出家杜陵歸老有桑麻茶煎小鼎初翻浪  
燈應寒窗自結花殘藥漸離愁境界亂書重理淡生涯  
等閒一事還超俗斷紙題詩字亂斜

示兒

死去元知萬事空但悲不見九州同  
王師北定中原日  
家祭無忘告乃翁

宋詩鈔卷六十九